

Oqsaroyda qabul



O'zbekiston Respublikasi Prezidenti Islom Karimov 29-iyul kuni Oqsaroyda "Isuzu Motors Ltd." kompaniyasi raisi Susumi Xosoini qabul qildi.

Davlatimiz rahbari O'zbekiston bilan Yaponiya o'tasida turli sohalarda samarali hamkorlik yo'lga qo'yilganini ta'kidladi. Yaponianing yuqori texnologiyali yetakchi kompaniyalari bilan o'zaro manfaatli sheriklik munosabatlari izchil kengayib bormoqda.

Toshkentda "O'zavtosanoat" aksiyadorlik kompaniyasi va "Isuzu Motors Ltd." o'tasida Yaponianing ushbu kompaniyasi "SamAvto" mas'uliyati cheklangan jamiyati ta'sischilarini tarkibiga kirishi to'g'risida bitim imzolandi.

Mazkur bitim "O'zavtosanoat" va "Isuzu Motors Ltd." kompaniyalari o'tasidagi uzoq muddatli hamkorlikning mantiqiy davomidir.

Tomonlar "SamAvto" mas'uliyati cheklangan jamiyatini rivojlantirish strategiyasini amalga oshirish, ishlab chiqarilayotgan mashinalar turini yangilash va ko'paytirish, mahalliylashtirish ko'lamini kengaytirish, Yaponianing ilg'or ishlab chiqarish texnologiyalarini yanada keng joriy etishga kelishib oldi.

"O'zavtosanoat" va "Isuzu Motors Ltd." o'tasidagi hamkorlik 2007-yilda yo'lga qo'yilgan. Yaponianing mazkur kompaniyasi o'sha yili "SamAvto" mas'uliyati cheklangan jamiyatining texnologik sherigi sifatida mamlakatimizda ishlab chiqarilayotgan avtobuslar, o'rta og'irlilikdagi yuk mashinalari va boshqa texnikalar uchun shassi va dvigatellar yetkazib berishni boshladi. O'tgan vaqt davomida "Isuzu Motors Ltd." agregatlari bazasida 10,2 ming avtobus va 11,5 ming yuk mashinalari, jumladan, 2014-yilda 1,2 ming avtobus va 2,6 ming yuk mashinasi ishlab chiqarildi. Tabiiy gazda ishlaydigan yuk mashinalarining yangi modellarini ishlab chiqarish o'zlashtirilgani hamkorlikni rivojlantirishning muhim bosqichini tashkil etdi.

Uchrashuvda ikki tomonlama hamkorlikni yanada rivojlantirish istiqbollari va o'zaro manfaatli boshqa masalalar muhokama etildi.